

**Inissiamik attartortitsisarneq pillugu Inatsisartut peqqussutaani nr. 2-mi 12. Maj 2005-imeersumi ilanngussaq 4 (Ileqqorissaarnissamut malittarisassat) allanngorteqqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasillunga tunngaviumik pisortat inissiaataanni qimmeqarnissaq aamma/imaluunniit qitsuuteqarnissaq akuerineqarsinnaalersillugu**  
(Inatsisartunut ilaasortaq Randi Vestergaard Evaldsen, Demokraatit)

### **Akissuteqaat**

(Ineqarnermut Attaveqaqatigiinnermullu Naalakkersuisoq)

### **Aappassaaneerpeqarnera**

Inatsisartut Sanaartornermut Ataatsimiititaliaa aalajangiiffigisassatut siunnersuummut isumaliutissiisummik saqqummiussaqqarpoq. Inatsisartut Sanaartornermut Ataatsimiititaliaa aalajangiiffigisassatut siunnersuummut sulillaarsimaneranut Naalakkersuisunit qutsavigineqqarpoq.

Pisortat inissiaataanni attartortittakkani najugaqqartut qimmeqarsinnaanerannut qitsuuteqarsinnaanerannullu ataatsimiititaliap isummersuutaanut Naalakkersuisut tapersersuilluarput.

Kisiannili Naalakkersuisut noqqillassimaarnissamik kaammattuipput. Ataatsimiititaliap qimmeqarsinnaanermut qitsuuteqarsinnaanermullu allannguutissatut siunnersuutaa attartortitsisumit akuerineqartariaqanngippat, tamatuma kingunerisaanik attartortitsisut qularnaveeqqusiissutit ilallugit akiliisitsiniarsinnaaneranut periarfissaaruttussaapput. Taamaalilluni naggataagut najugaqqarfiit inissiat qimanneqarnerini akiitsunut akilinnigitsuukkanut aningaasartuutinit artorsinneqarsinnaapput. Misilittakkammi takutippaat qimmeqarneq qitsuuteqarnerlu attartortut nuunnerini aningaasartuutit amerlanerulernerinik kinguneqqartartoq, inissiami nungullariartornerit sukkanerusumik ingerlasarmata.

Qimmiuteqarsinnaaneq qitsuuteqarsinnaanerlu attartortunit amerlasuunit kissaatigineqqartarpoq, kisiannili aamma illumi qimmeqarneq qitsuuteqarnerluunniit akisussaaffimmik annertuumik nassataqqartarpoq.

Attartortut ilaqqartarput, tipiliorneq nipiliornerlu peqqutigalugit sanilimik qimmeqannginnissaannik qitsuuteqannginnissaannillu kissaateqqartunik. Allat sapigaqqarnertik peqqutigalugu qimmeqarnissamut qitsuuteqarnissamullu akerliusarput. Attartortut ilaat attartukkamik qimmeqarfiusimasumik qitsuuteqarfiusimasumilluunniit tigusaangamik sapigaqqarnerat sunniuttarpoq.

Attartortut isumaat tusarniaqqaarnagit attartortut tamarmik qimmeqarsinnaanissamut qitsuuteqarsinnaanissamullu akuerineqassappata, tamanna attartortut peqqussutaanni najugaqqartut oqartussaaqataaneritut siunnerfigineqqartunut akerliusussaavoq.

Attartortut illumi najukkaminni qimmeqarsinnaatitaaneq qitsuuteqarsinnaatitaanerluunniit eqqarsaatigalugit aalajangeeqataasinnaasariaqarput. Aalajangeeqataasinnaanermi illut ilaat qimmeqarsinnaatitaaffiunissaat qitsuuteqarsinnaatitaaffiunissaallu akuerisaasinnaapput, allat qimmeqarfiunatik qitsuuteqarfiunatillu.

Sumiiffiit misissuiffiqarnissaat attartortullu tusarniarneqarnissaat pingaaruteqarpoq. Naalakkersuisut attartortitsinermut inatsisissap suliarineqarneranut suleqatigiissitamik, ilaatigut kommunit peqataaffigisaannik pilersitsisimapput. Sumiiffiit ilaat misissuiffiqartariaqartut, aammalu suleqatigiissitaq aaqqissuussaannermik, maanna atuuttumiit eqaannerusumik, taamaalillunilu attartortitsisarneq pillugu inatsisissamut nutaamut ilanngunneqarsinnaasumik siunnersuuteqassasoq Naalakkersuisut isumaqarput.

Taamaattumik Naalakkersuisut allannguutissatut siunnersuummik imaattumik siunnersuuteqarusupput:

”Naalakkersuisut suleqatigiissitamut, attartortitsisarneq pillugu inatsimmik nutaamik suliaqartumut, pisortat inissiaataanni attartortittakkani qimmeqarnissamut qitsuuteqarnissamullu periarfissanut aaqqissuussinermik eqaannerusumik paasiniaatitsinissamut, aammalu taakku isumagineqarnissaannut inassuteqaasiortitsinissamut attartortitsisarnerlu pillugu inatsisissamut nutaamut siunnersuusiortitsinissamut piginnaatinneqassasut.”